

EPOKA

ERE

E përditshme e pavarur
Viti XX, nr. 6031
E hënë, 8 qershor 2020
çmimi 0.40 €

Në Kosovë, rreth 100 mijë të infektuar në vit nga sëmundjet ngjitëse IFAQE 2



Na ndiqni edhe në:

www.epokaere.com

facebook.com
Gazeta "Epoka e re"

AWR ABBRUCH GMBH
www.awr-abbruch.de

FLET PËR "EPOKËN E RE", SHAIK KAMBERI IFAQE 4-5



LISTA E PËRBASHKËT DO T'I FUQIZOJË SHQIPTARËT E LUGINËS

- Synojmë t'i kemi tre deputetë shqiptarë në Parlamentin e Serbisë

Kryetari i Partisë për Veprim Demokratik (PVD), Shaip Kamberi, ka ftuar shqiptarët e Luginës së Preshevës që të dalin sa më shumë në zgjedhjet nacionale serbe të cilat do të mbahen më 21 qershor. Në këtë

intervistë dhënë gazetës "Epoka e re", ai ka bërë me dije se garimi i pesë subjekteve politike shqiptare në një listë të përbashkët në këto zgjedhje do t'i fuqizojë politikisht shqiptarët në Serbi. Kamberi ka treguar se pritet

janë që shqiptarët t'i kenë tre deputetë në parlamentin serb. Sipas tij, vetëm në këtë mënyrë do të mund t'i imponohen qeverisë së re të Serbisë për zgjidhjen e problemeve të shqiptarëve IFAQE 4-5

OPINION

PRECEDENTI POZITIV I GJYKATËS KUSHTETUESE DHE DISIPLINIMI I POLITIKËS F. 7

Shkruan: Hisen BERISHA



AKTUALE

40 RASTE TË REJA ME COVID-19 NË KOSOVË, NUMRI SHKON NË 1 234 F. 6

EKONOMI



VETËM NË KATËR MUAJT E PARË TË KËTIJ VITI U REGJISTRUAN MBI 37 MIJË PUNËKËRKUES NË KOSOVË F. 8

PANDEMIA COVID-19 ZVOGËLON TË HYRAT TATIMORE NË KOSOVË F. 9

ZEKA: PASOJAT E PANDEMISË NË EKONOMI DO TË VËREHEN EDHE NË VITIN 2021 F. 8

SPORT



DRENICA E ZBRET BALLKANIN NGA FRONI F. 18

EPIK-u: Qeveria pa adresë politike dhe institucionale për procesin e integrimit evropian IFAQE 3



Qeveria miraton lehtësimin e masave kundër Covid-19, hap kufirin me Shqipërinë IFAQE 5

ENGELI: MCC-ja NUK ËSHTË DASHUR T'I BLOKOJË FONDET PËR KOSOVËN. IFAQE 3



RENOVA
PUTZ
Macedoni
Xhepçisht-Tetovë
Curez-Ferizaj
Tel: +389 44 487 300; +389 44 487 009
+389 44 487 755
Fax: +389 44 487 200
Mob: +377 44 501 289
E-mail: renova@mt.net.mk

PRINCESHA
GROUP SH.P.K.
NDËRTIM
PROJEKTIM
SHITJE
INFO: 049-111-101,
044-511-177
www.princesha-ks.com

Bunjamini
FABRIKA E LLAQEVE
MITROVICË
044/256-051
044/367-061
028/532-617
STYROKOL · BUNJAKOL · EUROFASADË

Kolegji BIZNESI
www.kolegjiibiznesi.com
info@kolegjiibiznesi.com
038 500 878 | 045 500 878
044 500 878 | 049 500 878

SIGMA
VIENNA INSURANCE GROUP
SIGMA INTERALBANIAN VIENNA INSURANCE GROUP SH.A
DEGA KOSOVË
Pruga "Pashko Vasa", p.n Prishtinë, Kosovë,
Tel: +381 (0)38 246 301 Fax: +381 (0)38 246 302,
E-mail: info@sigma-ks.net | www.sigma-ks.net

DINO
Konjuh Lipjan, Magj. Prishtinë Ferizaj-Kosovë
tel & fax +381 38 566 666



FLET PËR “EPOKËN E RE”, SHAIK KAMBERI

LISTA E PËRBASHKËT DO T’I FUQIZOJË SHQIPTARËT E LUGINËS

- Synojmë t’i kemi tre deputetë shqiptarë në Parlamentin e Serbisë

Kryetari i Partisë për Veprim Demokratik (PVD), Shaip Kamberi, ka ftuar shqiptarët e Luginës së Preshevës që të dalin sa më shumë në zgjedhjet nacionale serbe të cilat do të mbahen më 21 qershor. Në këtë intervistë dhënë gazetës “Epoka e re”, ai ka bërë me dije se garimi i pesë subjekteve politike shqiptare në një listë të përbashkët në këto zgjedhje do t’i fuqizojë politikisht shqiptarët në Serbi. Kamberi ka treguar se pritet janë që shqiptarët t’i kenë tre deputetë në parlamentin serb. Sipas tij, vetëm në këtë mënyrë do të mund t’i imponohen qeverisë së re të Serbisë për zgjidhjen e problemeve të shqiptarëve

Kamberi, i cili është edhe kryetar i Komunës së Bujanocit, ka vlerësuar se arritja e këtij synimi nuk është e lehtë, duke shtuar se kjo do të varet nga disa faktorë. Kamberi ka deklaruar se shqiptarët e Luginës duhet të dalin sa më shumë në këto zgjedhje. “Megjithatë, kjo nuk është një çështje absolute, meqë rezultati përfundimtar varet nga shumë faktorë: numri i qytetarëve shqiptarë që dalin në zgjedhje, votat valide që mbeten për numrin e që janë relevante për ta përcaktuar kuotën mesatare për një mandat, por në radhë të parë rezultati ynë do të varet nga serioziteti i partive nënshkruese me të cilat do t’i qasemi këtij procesi”, ka deklaruar ai, duke shtuar se këto subjekte politike duhet të jenë shumë aktive për ta bindur elektoratin për ta përkrahur këtë listë të përbashkët. Kamberi ka treguar se partitë shqiptare (PVD, APN, PD, LPD e LR) do të garojnë me një listë të përbashkët me 11 kandidatë nën emërtimin “Alternativa e Demokratike Shqiptare - Lugina e Bashkuar”. Në këtë intervistë ai ka folur edhe për vendimin e Qeverisë së Kosovës për heqjen e reciprocitetit me Serbinë dhe për pritet që kanë shqiptarët e Luginës për qeverinë Hoti.

“Epoka e re”: Z. Kamberi, Qeveria e Kosovës sot ka hequr reciprocitetin ndaj Serbisë. Si e keni parë këtë veprim?

Kamberi: Reciprociteti si masë ndaj Serbisë duhet të jetë në

funkcion të shumë çështjeve të rëndësishme për Kosovën. Sipas nesh, reciprociteti me Serbinë duhet të jetë në funksion edhe për të drejtat e shqiptarëve të Luginës së Preshevës, të cilët këtë masë e shohim si mundësi të fundit që Kosova mund ta përdorë për ta “detyruar” Beogradin zyrtar që t’i respektojë të drejtat kolektive të shqiptarëve këtu, në nivel të njëjtë me ato që bën Kosova me pakicat e sidomos me pakicën serbe atje. Në këtë fazë fillimi i dialogut me Serbinë, i cili duhet të përfundojë me marrëveshje dypalëshe, ku do të trajtohen të gjitha temat me rëndësi jetike për Kosovën, në radhë të parë karrigia në OKB, reparacionet e luftës e shumë tema të tjera po shihet si prioritet i përgjithshëm. Prandaj, nëse heqja e reciprocitetit do të jetë vetëm e përkohshme dhe vetëm në funksion të eliminimit të pengesave që kanë stopuar dialogun, le t’i jepet rast dialogut. Por, duhet potencuar edhe faktin se heqja e reciprocitetit a nënkupton edhe ndërprerjen e fushatës negative të Serbisë që po bën për t’i arritur çnjohjet e pavarësisë së Kosovës.

“Epoka e re”: Cila duhet të jetë qasja e kësaj qeverie ndaj shqiptarëve të Luginës së Preshevës?

Kamberi: Marrja drejtpërdrejtë e përgjegjësi për Luginën e Preshevës dhe një përkujdesje më e madhe. Në dialogun që duhet nisur, të krijojë hapësirë që Lugina e Preshevës të marrë

trajtim nga i cili do të arrihet zgjidhja e drejtë dhe afatgjatë. Në aspektin e ndihmës financiare, qeveria duhet ose të ndërtojë fond të veçantë për Luginën ose të parashohë pikë të veçantë buxhetore për financimin e projekteve në Luginë të Preshevës.

“Epoka e re”: Z. Kamberi, zgjedhjet në Serbi do të mbahen në fund të këtij muaji. Sa është përgatitur faktori politik shqiptar për këtë proces?

Kamberi: Në zgjedhjet lokale, që do të mbahen vetëm në Bujanoc, partitë shqiptare do të garojnë ndaras. Janë paraqitur pesë lista të partive shqiptare që do të garojnë për një elektorat, i cili, realisht, mund të jetë pak mbi 12 000 votues. Në zgjedhjet parlamentare kësaj radhe pesë parti shqiptare (PVD, APN, PD, LPD e LR) garojnë me një listë të përbashkët, me 11 kandidatë, nën emërtimin “Alternativa Demokratike Shqiptare - Lugina e Bashkuar”.

“Epoka e re”: Çfarë ndikimi do të ketë tek elektorati shqiptar kjo listë e përbashkët?

Kamberi: Synimi i këtij bashkimi në një listë është të arrijmë më tepër mandate të mundshme të përfaqësimit në nivel qendror. Deri më tani kemi qenë të përfaqësuar me një, rrallëherë me dy deputetë. Kësaj radhe, për shkak të numrit më të madh të subjekteve pjesëmarrëse, synojmë tre mandate. Kjo do ta rrisë fuqinë tonë politike dhe

EPOKA E RE **Muhamet KOCI**

PRISHTINË, 7 QERSHOR - Kryetari i Partisë për Veprim Demokratik (PVD), Shaip Kamberi, ka deklaruar se shqiptarët e Luginës së Preshevës mund të fuqizohen politikisht në zgjedhjet e përgjithshme të Serbisë të cilat do të mbahen më 21 qershor. Ai ka bërë me dije se bashkimi i pesë subjekteve politike shqiptare në një listë të përbashkët zgjedhore në këto zgjedhje ka shtuar gjasat që shqiptarët të përfaqësohen me tre deputetë në parlamentin serb. Në këtë intervistë dhënë gazetës “Epoka e re”, ai ka deklaruar se

vetëm në këtë mënyrë mund t’i imponohen qeverisë së re të Serbisë për zgjidhjen e problemeve të shqiptarëve në këtë rajon. “Synimi i këtij bashkimi në një listë është të arrijmë më tepër mandate të mundshme të përfaqësimit në nivel qendror. Deri më tani kemi qenë të përfaqësuar me një, rrallëherë me dy deputetë. Këtë herë, për shkak të numrit më të madh të subjekteve pjesëmarrëse, synojmë tre mandate. Kjo do të rrisë fuqinë tonë politike dhe përfaqësuese dhe shpresojmë t’i imponohemi qeverisë qendrore për partneritet për zgjidhjen e problemeve tona”, ka thënë Kamberi.

40 raste të reja me Covid-19 në Kosovë, numri i përgjithshëm shkon në 1 234

PRISHTINË, 7 QERSHOR (ER) - Instituti Kombëtar i Shëndetësisë Publike të Kosovës (IKShPK) ka bërë me dije se në 24 orët e fundit në vendin tonë janë paraqitur edhe 40 raste të reja me Covid-19. Sipas këtij instituti, rastet e reja me Covid-19 janë nga Prishtina, Vushtrria, Prizreni, Fushë-Kosova, Obiliqi, Skenderaj, Gjilani, Rahoveci dhe Mitrovica. "Rastet pozitive janë nga: komuna e Prishtinës 10 raste (sipas vendbanimit: 10 raste Prishtinë), komuna e Vushtrrisë 8 raste (sipas vendbanimit: 6 Vushtri, 1

Akrashticë, 1 Maxhunaj), komuna e Prizrenit 7 raste (sipas vendbanimit: 4 Tupec dhe 3 Prizren), komuna Fushë-Kosovë 6 raste (sipas vendbanimit: 3 Fushë-Kosovë dhe 3 Miradi e Poshtme), komuna Obiliqi 5 raste (sipas vendbanimit: 5 Milloshevë), dhe me nga 1 rast komuna Skenderaj (vendbanimi: 1 Likoc), komuna Gjilan (sipas vendbanimit: 1 Gjilan), komuna e Rahovecit (sipas vendbanimit: 1 Rahovec) dhe komuna e Mitrovicës (sipas vendbanimit: 1 Mitrovicë). Sot, më 07 qershor 2020, janë shëruar

6 pacientë, kurse numri i përgjithshëm i të shëruarve deri më sot është gjithsej 890 raste", ka njoftuar IKShPK-ja.

Sipas këtij njoftimi, nga 8 shkurti deri më 7 qershor 2020 në Laboratorin e Mikrobiologjisë Molekulare janë testuar gjithsej 16 674 persona të dyshimtë në virusin SARS-CoV-2 dhe prej tyre pozitivë kanë rezultuar gjithsej 1 234 raste, prej tyre 31 persona kanë vdekur. Më tutje, IKShPK-ja ka kërkuar nga qytetarët që t'i respektojnë masat e vendosura nga institucionet shëndetësore

kundër Covid-19. "Pakujdesia e disa qytetarëve gjatë këtyre aktiviteteve mund ta shtojë rrezikun e përhapjes së infeksionit përderisa virusi SARS-COV-2 është prezent dhe kështu mund të mbingarkohet sistemi shëndetësor me pasoja të paparashikuara deri në shpërthim e që mund të paraqesë rrezik për jetën e qytetarëve. Bazuar në këtë, Instituti Kombëtar i Shëndetësisë Publike dhe Ministria e Shëndetësisë rekomandojnë që në mënyrë rigoroze të

respektohen masat mbrojtëse të deritashme, në veçanti zbatimi i planit për masat lehtësuese që nënkupton vazhdimin e zbatimit të mëturjeshëm të rekomandimeve. Apelojmë te qytetarët, bizneset, gastronomia, që në mënyrë strikte ta respektojnë distancën fizike, të përdorin maska, ta dezinfektojnë hapësirën dhe ajrosin lokalet, duke pamundësuar përhapjen eventuale të infeksionit dhe shmangien e përhapjes në hapësirat e mbyllura", ka njoftuar IKShPK-ja.



Armend Nimanj (AFP)

Në Kosovë, rreth 100 mijë të infektuar në vit nga sëmundjet ngjitëse

PRISHTINË, 7 QERSHOR - Kosova nuk ka sistem të informimit shëndetësor, që do të thotë se i mungojnë statistikat e sakta për të gjitha sëmundjet. Të dhënat për sëmundje i mbledhë Instituti Kombëtar i Shëndetit Publik të Kosovës (IKShPK). Me sëmundje ngjitëse, në bazë të këtyre të dhënave, gjatë një viti në Kosovë infektohen rreth 100 000 njerëz. Sipas Agjencisë së Statistikave të Kosovës (ASK), 68 njerëz kanë humbur jetën nga sëmundjet ngjitëse në vitin 2017, që është edhe viti i fundit kur ky institucion i ka mbledhur këto statistika.

Por, përkundër kësaj, zyrtarët kanë thënë se gjatë pandemisë së koronavirusit ata kanë arritur të raportojnë për numrin e të infektuarve në Organizatën

Botërore të Shëndetësisë dhe në Qendrën Evropiane për Parandalimin dhe Kontrollin e Sëmundjeve.

Lul Raka, mikrobiolog në Institutin Kombëtar të Shëndetit Publik në Kosovë, ka thënë se kjo ka ndodhur falë bashkëpunimit me Qendrën Evropiane për Parandalimin dhe Kontrollin e Sëmundjeve, për zbatimin e rekomandimeve të fundit nga kjo agjenci e Bashkimit Evropian. Pandemia e COVID-19 [sëmundjes që e shkakton koronavirusi e ka ndërprerë këtë aktivitet që e kemi realizuar bashkë dhe kemi qenë në rrugë të rishikimit të kornizës ligjore dhe

të mbikëqyrjes aktive të sëmundjeve ngjitëse", ka thënë Raka.

Infektologu Sali Ahmeti ka thënë për "Radion Evropa e Lirë" se disa sëmundje ngjitëse në Kosovë janë autoktone, porse ka edhe të importuara. Ai ka përmendur malarien dhe virusin e Nilit Perëndimor si sëmundje që kanë arritur vonë në Kosovë dhe që kanë shkaktuar edhe vdekje. Sëmundjet infektive që prekin çdo vit një numër të popullatës janë etheet hemorragjike - krime kongo, tularemia, tuberkulozi, gripet sezonale, fruthi, hepatitit B dhe C. "Në Klinikën Infektive të Qendrës Klinike Universitare të Kosovë përballlemi me sëmundje të ndryshme - nga ato më të zakonshmet e deri tek ato më të rralla apo të veçanta. Kosova

njihet si vend endemik për disa sëmundje infektive, me një prevalencë dhe incidencë të lartë, duke përfshirë vdekshmëri. Në mesin e tyre janë etheet hemorragjike krime kongo që shkaktohen nga pickimi i rrigrave", ka thënë Ahmeti. "Gjithashtu, fruthi është një prej sëmundjeve të rënda dhe shumë infektive që zakonisht prek fëmijët e pavaksinuar", ka thënë ai.

Vaksinimi ka bërë që disa sëmundje ngjitëse në Kosovë të dobësohen, por edhe të zhduken, siç është paraliza e fëmijëve dhe fruthi te fëmijët e vaksinuar. Sipas udhëheqësve të Institutit Kombëtar të Shëndetësisë Publike, Kosova renditet në mesin e shteteve më të suksesshme në botë sa i përket imunizimit. Vaksinimi organizohet nga

Programi i Zgjeruar i Imunizimit, në kuadër të Institutit Kombëtar të Shëndetit Publik dhe ka një mbulueshmëri mbi 95 për qind. Mikrobiologu Lul Raka ka thënë se mbikëqyrja e sëmundjeve ngjitëse është një prej pikave qenësore në parandalimin dhe kontrollimin e tyre. "Në dekadën e fundit ka pasur mjaft probleme me funksionimin e sistemit të informimit shëndetësor dhe nuk kemi të dhëna të sakta. Derisa IKShPK-ja është përgjegjëse për mbikëqyrjen epidemiologjike", ka thënë ai. Sipas Rakës, për mbikëqyrjen dhe kontrollin e sëmundjeve ngjitëse janë duke punuar sipas rekomandimeve të Bashkimit Evropian, por që për një kohë ky bashkëpunim është ndërprerë për shkak të pandemisë me Covid-19.

Pandemia Covid-19 zvogëlon të hyrat tatimore në Kosovë

Illir Murtezaj, drejtor i Administratës Tatimore të Kosovës (ATK), ka thënë se në pesëmuajorin e parë të këtij viti ka pasur rënie të të hyrave nga tatimet. Nga muaji janar e deri në muajin maj të hyrat në ATK kanë qenë mbi 186 milionë euro apo 22 milionë euro më pak, krahasuar me periudhën e njëjtë të vitit të kaluar. “Periudha për pagesa të detyrimeve tatimore dhe kontribute pensionale është zgjatur deri më 15 maj 2020, si dhe pagesa e kësteve tremujore është zgjatur deri më 30 qershor 2020”, ka thënë Murtezaj



PRISHTINË, 7 QERSHOR - Masat që Kosova ka ndërmarrë në muajin mars për parandalimin e përhapjes së koronavirusit, siç janë kufizimet në ushtrimin e aktivitetëve ekonomike, shlyerja dhe shtyrja e obligimeve tatimore ka ndikuar në uljen e të hyrave në Administratën Tatimore Kosovës (ATK). Një nga bizneset që pas marrjes së vendimit të qeverisë nuk ka paguar një pjesë të tatimit është kompania “Pestova” nga Vushtrria. Pronari i kësaj kompanie, Bedri Kosumi, ka thënë për “Radion Evropa e Lirë” se në muajin e parë ka shfrytëzuar vendimet e qeverisë, por tashmë është i rregull në përfundimin e detyrimeve ndaj Administratës, edhe pse thotë ai, kompania “Pestova” ka pasur vështirësi financiare gjatë masave kufizuese. Madje

Kosumi ka treguar se për t'u përballuar me situatën financiare dhe krijimin e linjave të reja prodhuese ka marrë kredi në një nga bankat komerciale që operojnë në Kosovë. “Në fillim të pandemisë kemi shfrytëzuar ato shtyrjet e deklarimeve dhe për pagesa të tatimeve për një muaj, mandej jo. Kemi pasur probleme shumë sikurse të gjitha bizneset në Kosovë dhe më gjerë, por më pas kemi qenë në gjendje më të mirë dhe i kemi paguar obligimet rregullisht. Kredia është marrë edhe për linjën prodhuese dhe ruajtjen e likuiditetit, zvogëlimin e parasë së gatshme për t'i mbuluar vitet e ardhshme”, ka thënë Kosumi. Ndërsa Illir Murtezaj, drejtor i Administratës Tatimore të Kosovës (ATK), ka thënë se në pesëmuajorin e parë të këtij viti ka pasur rënie të të hyrave nga

tatimet. Nga muaji janar e deri në muajin maj të hyrat në Administratë kanë qenë mbi 186 milionë euro apo 22 milionë euro më pak krahasuar me periudhën e njëjtë të vitit të kaluar. “Njëkohësisht janë edhe vendimet e Ministrisë së Financave dhe Transfereve, pasi periudha për pagesa të detyrimeve tatimore dhe kontribute pensionale është zgjatur deri më 15 maj 2020 si dhe pagesa e kësteve tremujore është zgjatur deri më 30 qershor 2020”, ka thënë ai.

Rënia e inkasimit të të hyrave Murtezaj e ka ndërlidhur edhe me rënia të qarkullimit të bizneseve. Sipas të dhënave të ATK-së për muajin prill, rreth 44

për qind kanë pësuar rënie të qarkullimit bizneset krahasuar me periudhën e njëjtë të vitit 2019. Edhe Bedri Kosumi nga kompania “Pestova” ka treguar se gjatë kësaj periudhe kanë pasur rënie të qarkullimit. “Në muajin mars kemi pasur 12 për qind rënie, në prill më tepër se 20 për qind dhe në muajin maj 8 për qind rënie”, ka theksuar Kosumi.

Vendimet e Qeverisë së Kosovës për parandalimin e pandemisë së shkaktuar nga koronavirusi, do të ndikojnë edhe në projeksionet e planifikuara vjetore, ka thënë Murtezaj. Sipas projeksioneve të paraqitura në buxhetin e miratuar në mars të këtij viti, është paraparë që ATK-

ja të mbledhë 557 milionë euro. Por, sipas Murtezajt, kjo shifër është vështirë e realizueshme. “Në Administratën Tatimore, edhe pse është herët ta parashikojmë fundin e vitit, sipas parashikimeve të brendshme të ATK-së, synojmë që të arrijmë deri te niveli i realizimit të të hyrave tatimore të vitit të kaluar, që nënkupton se, edhe pse mund të kemi një rënie të ekonomisë, të paktën duke zvogëluar evazionin fiskal të arrijmë te niveli i realizimit të të hyrave të vitit të kaluar”, ka thënë Murtezaj. Vitin e kaluar Administrata Tatimore e Kosovës, sipas Murtezajt, ka arritur të grumbullojë 504 milionë euro.

PDK-ja sjell dhjetë propozime për Pakon e Rimëkëmbjes Ekonomike

PRISHTINË, 7 QERSHOR - Nënkryetari i Partisë Demokratike të Kosovës (PDK), Shaqir Totaj, në një konferencë për media ka folur për situatën e krijuar dhe për lëshimet e Pakos Emergjente të qeverisë së kaluar, duke dhënë edhe dhjetë propozime të cilat duhet t'i përmbajë Pakoja për Rimëkëmbjen Ekonomike të Qeverisë Hoti. Ai ka thënë se si rezultat i keqmenaxhimit shteti i Kosovës duhet të jetë i gatshëm që t'i ndajë mbi 1.5 miliard euro për rimëkëmbjen e ekonomisë së vendit. “Para disa ditësh Kosova u bë me qeveri të re. PDK-ja votoi kundër, pasi ne besojmë se qeveria Hoti është vazhdimësi e qeverisë Kurti. Shteti i Kosovës dhe ekonomia e saj janë buzë greminës. Qeveria Kurti dhe një pjesë e madhe e qeverisë Hoti sa ishin duke qeverisur së bashku e braktisën sektorin privat duke rrezikuar stabilitetin makroekonomik të vendit. Kjo braktisje rrezikon mirëqenien e mijëra qytetarëve të Kosovës, sipas



Bankës Botërore, duke i zhytur rreth 150 mijë qytetare në varfëri. Në mungesë të një plani efikas e konkret, qeveria Kurti, e përbërë nga LV-ja dhe LDK-ja, ofruan një pako emergjente financiare më të varfër në rajon - prej 179 milionë eurosh, ku në praktikë u realizua vetëm 30 për qind”, ka thënë Totaj, duke shtuar se shumica e vendeve të rajonit dhe botës kanë miratuar pakon e dytë gjithëpërfshirëse për rimëkëmbjen ekonomike. “Si

rezultat i keqmenaxhimit, shteti i Kosovës duhet të jetë i gatshëm që t'i ndajë mbi 1.5 miliard euro për rimëkëmbjen e ekonomisë së vendit. Andaj, ne ftojme qeverinë e re që sa më parë t'i propozojë Kuvendit të Republikës së Kosovës planin me masat konkrete për rimëkëmbjen e ekonomisë së vendit. Propozimi, në thelb, duhet ta ketë interesin e të gjithë të punësuarve në sektorin privat, bizneset dhe të gjitha skemat sociale pa dallime.

Sidomos duan përkrahje bizneset e mesme dhe të vogla që për shkak të masave kundër pandemisë, sot rrezikojnë të falimentojnë”, ka thënë Totaj.

Për ta rikthyer stabilitetin makroekonomik dhe për t'i ndalur humbjet për sektorin privat, Totaj ka thënë se është me rëndësi që propozimi i qeverisë së re t'i ketë këto elemente thelbësore në periudhën afat-shkurtër: Të jetë në përputhje me nevojat e vërteta të ekonomisë së tregut, duke stimuluar likuiditetin e ndërmarrjeve dhe shtimin e aktivitetit ekonomik; të jetë lehtë i zbatueshëm dhe në përputhje me Kushtetutën dhe ligjet në fuqi; të jetë i fokusuar në ndihmën e ndërmarrjeve që kanë rrezikshmëri të lartë për falimentim, sipas vlerësimit të Bankës Botërore; të ketë për bazë barrën financiare që kanë sektori privat dhe punëtorët e saj tek institucionet financiare, duke ofruar mundësi mbështetje të drejtpërdrejtë për uljen e barrës

së obligimeve bankare deri në stabilitetin e tyre; të ofrohen lehtësime në afate dhe mënyrën e pagesës së tatimeve, duke përfshirë shqyrtimin e mundësisë së heqjes së ndëshkimeve. Qeveria duhet të ofrojë fleksibilitet për biznesin dhe ta shqyrtojë mundësinë e ridizajnimit të përkohshëm të politikave tatimore; t'i mundësohet biznesit pagesa e tatimit në fitim sipas mundësisë përgjatë një viti fiskal, e jo si pagesë e njëhershme; të lirohet biznesi nga taksat dhe interesi administrativ i qeverisë, e sidomos nga ATK-ja dhe Dogana; të subvencionohet interesi i kredive për prodhuesit vendorë deri në 60 për qind; të ristrukturohet mbledhja e TVSH-së, duke e bërë brenda vendit, për ta lehtësuar barrën e bizneseve për të pasur më shumë likuiditet dhe të rritet Fondi për Garantimin e Kredive për biznese të reja që kanë në fokus inovacionin dhe prodhimin.

Ka filluar pastrimi i Liqenit Akumulues në Mitrovicë

MITROVICË, 7 QERSHOR (ER) - Komuna e Mitrovicës ka filluar aksionin për pastrimin e liqenit akumulues të lumit Ibër në Suhadoll të kësaj komune. Ky aksion është ndërmarrë me iniciativën e kryetarit të komunës së Mitrovicës, Agim Bahtiri, në bashkëpunim me Shoqatën e Peshkatarëve Sportivë Rekreativë (SHPSR) "Ibri" dhe KRM "Uniteti", në të cilin janë bashkangjitur edhe kompanitë "Ambienti", "Euro Ndërtimi",

Klubi i Zhytjes "Trepça" dhe një numër simbolik i qytetarëve vullnetarë. Me këtë rast, kryetari Bahtiri u shpreh tejet falënderues nga Shoqata e Peshkatarëve, KRM "UNITETI", kompanitë e tjera në fjalë dhe të gjithë qytetarët e tjerë të cilët iu bashkëngjiten këtij aksioni, me qëllim që të pastrohen hapësirat ujore nga barishtet. Po ashtu, kryetari Bahtiri ka bërë me dije se ky aksion është zhvilluar nga vullneti i mirë i përbashkët

dhe se në programin e tij qeverisës ka paraparë edhe mirëmbajtjen e vazhdueshme të këtij liqeni, mirëpo për shkak të situatës së krijuar nga pandemia Covid-19 është bërë e pamundur shpallja e tenderit për blerjen e makinës adekuate për pastrimin e Liqenit. Dhe për këtë gjë komuna ka ndarë mjetet e nevojshme, me ç'rast shumë shpejt do të pajisemi me këtë makinë dhe do të kemi një liqen mjaft të pastër.



Komuna e Skenderajt, shembull për mirëmenaxhimin e parasë publike edhe në kohë të pandemisë

SKENDERAJ, 7 QERSHOR (ER) - Komuna e Skenderajt ka bërë me dije se gjatë kohës së pandemisë Covid-19 ka blerë shërbime me çmimet më të lira, duke dëshmuar kështu menaxhim efikas të situatës pandemike. "Ky raport është nxjerr nga organizata INPO, e cila ka publikuar dy infografika rreth shpenzimeve komunale gjatë pandemisë Covid-19. Në infografika paraqiten shpenzimet e komunave gjatë blerjes së shërbimeve dhe artikujve si masë mbrojtëse ndaj kësaj

pandemie. Sipas këtij hulumtimi, Komuna e Skenderajt ka pasur çmimet më të lira të blerjes së produkteve në këtë gjendje emergjente", ka njoftuar Komuna e Skenderajt. Sipas këtij njoftimi, gjatë kësaj periudhe Komuna e Skenderajt ka qëndruar afër familjeve në nevojë ku për dy herë radhazi ka ndihmuar me pako ushqimore 4 000 familje në nevojë. "Krahas kësaj, i është kushtuar kujdes edhe kursimit të parasë publike duke mos lejuar që biz-

neset e caktuara t'i rrisin në mënyrë artificiale çmimet e produkteve që kanë pasur nevojë t'i sigurojnë qytetarët", ka njoftuar kjo komunë, duke cituar edhe kryetarin Bekim Jashari në lidhje me menaxhimin e parasë publike. "Kur ka vullnet politik dhe përkushtim për punë në dobi të mirëqeverisjes e mirëmenaxhimit të parasë publike mund të arrijmë që t'i ndihmojmë familjet në nevojë dhe atë duke ruajtur buxhetin komunal", është shprehur Jashari.

Lladrovci përkujton dëshmorët Hasan e Xhavit Hasani

Drenas, 7 qershor (ER) - Me rastin e 21-vjetorit të rënies së dy dëshmorëve, Hasan e Xhavit Hasani, kryetari i Komunës së Drenasit, Ramiz Lladrovci, ka bërë homazhe dhe kanë vënë buqeta me lule të freskëta pranë lapidarit të dëshmorëve në Korroticë e Ulët. Me këtë rast, kryetari Lladrovci ka thënë se pa luftën e lavdishme të Ushtrisë Çlir-



imtare të Kosovës dhe sakrificën e gjithë të rënëve nuk do të vinin liria dhe pavarësia e Kosovës. "Lavdi e përjetshme gjithë të rënëve!", ka thënë Lladrovci.

Aksident i rëndë në Drenas, lëndohen disa persona

DRENAS, 7 QERSHOR (ER) - Në fshatin Zabel i Ulët i Komunës së Drenasit të dielën ka ndodhur një aksident i rëndë. Me këtë rast, kryetari i Komunës së Drenasit, Ramiz Lladrovci, nëpërmjet llogarisë se vet në "Facebook" ka njoftuar se në këtë aksident janë lënduar disa persona, por asnjëri prej tyre nuk është në rrezik për jetën. "Të lënduarve të sotëm në aksidentin e ndodhur në Zabel të Ulët u dëshiroj shërim të shpejtë e me sa më pak pasoja. Jemi të brengosur me personat

dhe familjet e prekura në aksident. Të gjithë të lënduarve u dëshirojmë kthim sa më të shpejtë pranë familjeve. Nga vendi i ngjarjes dukej situatë e tmerrshme. Por, për fat, nga ato që u thanë, asnjëri nuk është në rrezik për jetën. Aksidenti në Zabel të Ulët tregon shumë për mungesën e kujdesit në komunikacion. Pandeminë e përballuam si duhet, kujdesi për jetën tonë dhe të tjerëve nuk duhet të mungojë asnjëherë!", ka shkruar Lladrovci.

Filloi ndërtimi i objektit të shkollës 'Habib Berisha' në Gurbardh

MALISHEVË, 7 QERSHOR (ER) - Në vigjilje të shënimit të 16 Qershorit, Ditës së Dëshmorëve dhe Ditës së Çlirimit të Malishevës, në fshatin Gurbardh ka filluar ndërtimi i objektit të ri të shkollës, e cila mban emrin e dëshmorit të kombit Habib Berisha. Betonin e parë në themelet e kësaj shkolle e ka vënë kryetari i Komunës së Malishevës, Ragip Begaj. Në vënie e gurrthemetit të objektit të shkollës kanë marrë pjesë familjarë të dëshmorëve të kombit nga fshati Gurbardh, Habib e Hamdi Berisha, nënkryetari i Malishevës, Hajdin Berisha, drej-

tori i Drejtorisë së Arsimit, Blerim Thaçi, drejtorë të drejtorive të tjera komunale, menaxhmenti dhe arsimtarët e kësaj shkolle dhe banorë të fshatit. "Ne po ndërtojmë këtë shkollë, sikur edhe shkollat e tjera, me qëllim të krijimit të kushteve sa më të mira për mësimdhënie dhe mësimnxënie, ndërsa e juaja mësimdhënie është që t'u jepni dije sa më shumë nxënësve, ta rrisni cilësinë në arsim. Kjo shkollë mban emrin e madh të dëshmorit Habib



Berisha dhe të gjithë ne jemi krenarë por, krahas krenarisë, ne duhet të punojmë edhe më shumë në rritje të cilësisë në

arsim dhe me rezultate korrekte, sepse dëshmorët kanë dhënë jetën për këtë, që ne sot të jetojmë të lirë dhe të punojmë për kombin, e kjo më së miri bëhet përmes arsimit", ka thënë kryetari Begaj. Ndërsa nënkryetari i Komunës së Malishevës, Hajdin Berisha, ka thënë se "ndërtimi i kësaj shkollë po fillon në vigjilje të shënimit të 16 Qershorit - Ditës së Dëshmorëve dhe Ditës së Çlirimit të Malishevës dhe

aktivitetet e tilla do të vazhdojnë edhe në ditët në vijim me fillime të projekteve të reja dhe përrurime të projekteve të ndryshme". Ndërtimi i këtij objekti shkollor mundësohet nga buxheti i Komunës së Malishevës, ndërsa kjo shkollë, sipas drejtorit të saj, Gazmend Berisha, ka rreth 300 nxënës dhe ndërtimi i objektit të ri dhe krijimi i kushteve më të mira për mësim ka qenë shumë i nevojshëm dhe për këtë e ka falënderuar Komunën e Malishevës, pasi tashmë ka filluar ndërtimi i objektit të ri të shkollës sipas standardeve.



prioritet kryesor e kemi konsumatorin”, ka thënë Sabedinaj.

“Jack Daniel’s” prodhohet në mënyrë dhe vend të veçantë,

ÇDO DITË QË BËJMË ‘JACK DANIEL’S’, NE E BËJMË ATË SA MË MIRË QË MUNDËMI

PRISHTINE, 7 QERSHOR - Është kjo motoja që përcjell mesazhin për uiskin më të mirë në botë, “Jack Daniel’s”, apo si uiski më i shitur, që vjen nga distileria më e vjetër e regjistruar në Amerikën e Veriut, “The Distillery”, e themeluar në vitin 1866 nga Jack Daniel në Lynchburg, Tennessee. Është një nga prodhuesit më të njohur të uiskit në botë. Uiski Tennessee i “Jack Daniel’s” përgatitet nga misri, thekëri dhe elbi. Karakteri i tij dallues

është një rezultat i fermentimit natyral, distilimit të kujdesshëm dhe përdorimit të ujit nga shpella e Pranverës që rrjedh me një konstante 56 °F. Kjo pije shitet në 170 shtete dhe është prej më të shiturave jashtë Amerikës, duke e përfshirë këtu edhe tregun e Kosovës, nëse llogaritet sipas banorëve, ndërsa Kosova është një nga tregjet më të suksesshme. “Kos-Trade” ka përfaqësinë e këtij produkti që 15 vjet në Republikën e

Kosovës, ku konsumatorët e të cilit vazhdojnë të shtohen. Drejtori i “Kos-Trade” dhe distributori ekskluziv i “Jack Daniel’s”, Blerim Sabedinaj ka thënë se kjo pije përveç kualitetit dhe cilësisë, ka ndikuar edhe aktivitetet e marketingut dhe informimi i vazhdueshëm rreth brendit dhe historisë së saj. “Jemi në një pozitë të punës, ku ka nivele të larta besimi dhe komunikimi, mënyra se si ne punojmë ka të bëjë me bashkëpunimin, është

gjithçka një punë ekipore. Roli dhe prioriteti im është të motivoj stafin tim të punës, si dhe ndërtimi i marrëdhënieve të mira me blerës e konsumatorë”, ka thënë Sabedinaj. Ai ka thënë në se të gjithë brenda kompanisë që punojmë me këtë brend, i bëjnë të ndjehen plotësisht të privilegjuar, pasi “Jack Daniel’s” natyrë ikonike. “Ky produkt është gjithandej Kosovës, dhe tregu është i informuar se kush e sjell uiskin,



andaj shija e tij, për ata që e konsumojnë rregullisht, e vërejnë që është e rrallë, pasi nuk është as "Scotch" dhe as "Bourbon", por është "Jack".

Ndërsa Filip Pletes menaxher kryesor i avokimit të brendit nga Brown Forman në këtë intervistë për "Epoka e re" ka treguar për eksperiencën e tij

me produkte të "Jack Daniel's" si banakier për kokteje, dhe si përgjegjës kryesor në Ballkanin Perëndimor për këtë fushë.

Filip Pletes cila është eksperiencia e juaj si banakier?

Unë kam punuar pas banakut për 12 vitet e fundit të jetës sime.

Fillova si një shankist kur isha 16 vjeç, karriera ime ishte mjaft emocionuese pasi kam ndryshuar shumë pozicione, dhe kam lëvizur nëpër kompani të ndryshme. Përvojat e mia të preferuara janë padyshim duke punuar si menaxher i barit në Holland America Cruise Line, pasi kam qenë në gjendje të udhëtoj shumë dhe të mësoj nga secili vend që kam vizituar

Përveç asaj që të punosh si menaxher operacional në Nikki Beach International ishte gjithashtu një përvojë unike, pasi niveli i mikpritjes, së bashku me të ftuarit që vizitonin këtë bar janë mjaft të ndryshëm nga mysafirët e zakonshëm. Kemi përgatitur pije dhe kokteje shumë të mira, duke përdorur pijet më premium që janë në botë.

Na flisni për produktet e "Jack Daniel's"?

Unë i dua të gjitha brendet e "Jack Daniels Tennessee Whiskey", por i preferuari im është padyshim "Jack Daniel's Single Barrel", pasi besoj se kjo është shprehja e vërtetë të asaj se çfarë është një uiski amerikan, i fortë, i guximshëm dhe aromatik. E dua këtë shprehje, dhe më pëlqen të pi në dy mënyrat; sipas modës të vjetër dhe të pastër, siç edhe është. Unë e dua gjithanshmërinë e produkteve tona dhe ne mund ta përdorim këtë në mënyra të ndryshme.

Me cilat produkte të "Jack Daniel's" preferoni më shumë të punoni për kokteje dhe pse?

Siç u përmend më lartë, unë me të vërtetë i dua të gjitha produktet tona, pasi ato janë vërtet të gjithanshme sidomos për mixologji apo përzierje, dhe ato mund të përdoren për pije komplekse, por edhe në pije të thjeshta me dy përbërës. Nëse i shikojmë sipas markës, më pëlqen t'i përziej në mënyrën vijuese; "Jack Daniel's Old number 7", "Tennessee Mule Gentleman Jack - Gentleman Jack Sour Single Barrel - Old Fashioned" dhe "Jack Daniels Tennessee Mule - Honey Smash".

Llojet e koktejeve që njerëzit i preferojnë më shumë?

Njerëzit po zgjerojnë pikëpamjet mbi kulturën e koktejeve, dhe që kur po udhëtojnë ata janë në kontakt me kulturën e koktejeve më premium në Evropë. Zakonisht u pëlqen të ndryshojnë pijet e tyre sipas stinës, në kohën e

dimrit preferojnë kokteje më komplekse, më shumë alkool si bazë, ndërsa gjatë kohës së verës preferojnë pije të thjeshta, freskuese që nuk janë komplekse.

Si e shikoni kategorinë e njerëzve që fillimisht preferojnë një koktej më shumë sesa një pije tjetër?

Këta njerëz zakonisht janë ata që udhëtojnë shumë, dhe kanë përvojë me pijet premium. Ata nuk kanë frikë të eksperimentojnë dhe provojnë gjëra të reja. Mbaj mend që 10 vjet më parë, koktejet ishin pije të zakonshme, të cilat bëheshin me pije me cilësi të ulët, me shumë përbërës dhe lëngje. Në ditët e sotme ne jemi duke bërë kokteje me pije premium, dhe ne po kërkojmë t'u japim të gjithë klientëve tanë një pamje dhe ndjenjë premium kur janë duke pirë pije që janë bërë me "Jack Daniels Tennessee Whiskey".

Na tregoni se si e shikoni tregun e Kosovës sa i përket komunitetit të banakierave, dhe posaçërisht për koktejet me produkte të "Jack Daniel's"?

Kam pasur një përvojë të mahnitshme për herë të fundit kur kam vizituar Kosovën, dhe kam pasur një trajnim të "Jack Daniels Tennessee" të familjes së brendeve. Vullneti, entuziazmi dhe njohuria e banakierave të Kosovës është e mahnitshme, dhe besoj se ata do të bëjnë pije të mahnitshme në të ardhmen. Nëse ata vazhdojnë të punojnë shumë si tani, dhe të mësojnë me këtë ritëm, mund të presësh pije të mahnitshme të bëra në Kosovë shumë shpejt.

Cila është eksperiencia e juaj më e mirë gjatë punës tuaj me produktet e Jack Daniel's?

Udhëtimi dhe takimi i talenteve të reja ne fushën e banakierëve në të gjithë rajonin e Ballkanit Perëndimor është diçka për të cilën jam vërtet krenar dhe i lumtur. Të ndaj njohuritë dhe përvojën time me të gjithë klientët dhe banakierët në rajonin tonë është privilegji dhe nderi më i madh që kam marrë kohëve të fundit. Ndarja e dashurisë për Jack Daniels Tennessee Whiskey dhe për mitologjinë me portofolin tonë, është diçka që unë e dua më shumë, dhe mezi pres që të kthehem në Kosovë dhe të ndajmë sa më shumë dashuri! Filip Pletes përmes një video na ka treguar edhe si të bëjmë një koktej në kushte shtëpiake, ai e përmbylli intervistën me fjalinë: Konsumoni produkte të "Jack Daniel's", dhe konsumoni ato me përgjegjësi.



Afrona Dika 'mahnit' me pamjen natyrale



Modeluesja Afrona Dika, bashkëshortja e këngëtarit Blero, ka "mahnitur" edhe një herë me një foto të postuar në llogarinë e vet në "Instagram". Ajo shpeshherë publikon foto ku shihet e rregulluar deri në detaje, mirëpo nuk i kurset as fotot në të cilat shfaqet e pagrimuar dhe tërësisht natyrale. Njësoj ka vepruar edhe me postimin e fundit, foto e realizuar teksa ajo po dilte për vrap. Kujtojmë se shkak i pandemisë kishte kaluar kohë e gjatë nga takimi i fundit me burrin e saj Bleron.

Lei Kraja nis plazhin në Durrës, merr vëmendjen me pozat në bikini



Lei Kraja u është rikthyer pozave në bikini. Për shkak të pandemisë, pothuajse të gjithë ishin bllokuar brenda shtëpive të tyre dhe nuk kishin mundësi të dilnin për t'u argëtuar. Njësoj ka ndodhur edhe me prezantuesen e sportit, Lei Kraja, e

cila më në fund është e lirë që t'i shijojë ditët e nxehta në plazh. Këtë e ka bërë të ditur vetë nëpërmjet publikimit të dy fotografive në llogarinë e saj në "Instagram", aty ku reklamon bikinitë, format trupore e në të njëjtën kohë merr rreze dielli.



Beatrix Ramosaj, e zhytur në shkumë, publikon foto nga vaska

Beatrix Ramosaj vazhdon të qëndrojë aktive në rrjetet sociale duke publikuar fotografi rregullisht, bukuroshja ka provokuar me postimin e fundit. Ajo ka hyrë në profilin e vet në "Instagram" për të shpërndarë një fotografi nga vaska, ku shihet e

mbuluar me shkumë. Këngëtarja dhe modeluesja është kthyer në Prishtinë pas një kohe të gjatë, bën të ditur në përshkrimin e fotos "Natën e mirë Prishtina, ndihem shumë mirë pas rikthimit", ka shkruar ajo në llogarinë e vet në "Instagram".

'Hot' me bikini, vajza e ish-deputetes lë pa fjalë ndjekësit me pozat seksi



Prej kohësh ajo është kthyer në një nga modelet shqiptare më të komentuar në mediat online. Është fjala për Ada Dedën, e cila në profilin e vet në "Instagram" ndan me ndjekësit foto shumë seksi. E kështu ka bërë edhe së

fundmi. Vajza e ish-deputetes, Albina Deda, ka publikuar një foto ku shfaqet me bikini. Pozat e saj kanë marrë me mijëra pëlqime si dhe qindra komente, ku ndjekësit nuk ia kanë kursyer komplimentet bukuroshes.



Olga Tokarczuk: Gishti që tregon hënën

Në fillim të vitit 2009 (pasi botova Fjalorin Polonisht-Shqip në Tiranë, i cili ishte fjalori i parë jo vetëm në Shqipëri, por edhe në Poloni, me 25 mijë zëra dhe me shumë shembuj, shprehje frazeologjike e fjalë të urta) nga Instituti i Librit i Polonisë më erdhi një ftesë për të marrë pjesë në Kongresin Botëror të Përkthyesve të Letërsisë Polake që u mbajt nga 3 deri 7 qershor 2009 në Krakow nën kujdesin e Ministrisë të Kulturës dhe të Trashëgimisë Kombëtare të Polonisë.

Në këtë Kongres merrnin pjesë mbi 250 përkthyes të letërsisë polake nga të gjitha kontinentet. Shtetet dhe gjuhët europiane përfaqësoheshin me disa pjesëmarrës. Nga vendi ynë ishin ftuar përkthyesi i mirënjohur i polonishtes Astrit Beqiraj dhe unë. Veç përkthyesve të huaj, në Kongres binin në sy dhe personalitete të letërsisë polake: shkrimtarë dhe gjuhëtarë që lexonin në seksione të ndryshme ligjërata. Dalloheshin mes tyre poetja nobeliste Wisława Szymborska (W. Szymborska), poeti më në zë në atë kohë në Poloni e më gjerë Adam Zagajewski (A. Zagajewski), prozatorja e re e talentuar Olga Tokarczuk (O. Tokarczuk; lindur më 1962 në

Sulechów, Silezi e Poshtme, Poloni) etj. Ligjërata e O. Tokarczukut më tërhoqi shumë se lidhej me gjuhën dhe në pushim iu luta ta fotokopjoja. Ajo me një buzëqeshje më pyeti me dashamirësi: "I pëlqeu zotërisë?" Ia pohova me kënaqësi. Ajo më dha tekstin original të ligjërates që ende e mbante në dorë dhe më tha: "Urdhëro, mos ma kthe... kam kopje tjetër."

Vitet kalonin dhe Olga Tokarczuk bëhej gjithnjë dhe më e famshme jo vetëm në Poloni, por dhe në botë, derisa më 2018 fitoi çmimin Nobel në letërsi duke u bërë nobelistja e pestë e Polonisë në letërsi (pas: H. Sienkiewicz më 1905, W. Reymont më 1924, Ç. Miłosh më 1980 dhe V. Szymborska më 1996) dhe e shtata në plejadën e nobelistëve polakë (M. Skłodowska-Curie dy herë: më 1905 në fizikë dhe 1911 në kimi si dhe L. Vallensa çmimin për paqe më 1983).

Ligjërata origjinale, me shënime me laps të shtuara nga vetë Olga Tokarczuk, atëherë shkrimtare e re, jo fort e njohur, e ruajta si kujtim të çmuar dhe relikti letrar se e çmova si një prozë e shkruar nga një talent që ishte ende në hapat e para të shkëlqimit në letërsinë botërore. Sot që ajo mban

laurën e çmimit Nobel, po ia bëj të njohur lexuesit tonë.

Kuptimi i vetëdijshëm nga njeriu i gjuhës së vet, me të gjitha dhuntitë e saj, me dobitë e përfitimet, si dhe me kufizimet e trillet, të krijon përshtypjen e një psikanalize të tejgjatur. Ajo nxjerr në pah gjithë bagazhin që mbartim jo për arsye të gabimeve e fajeve, apo meritave tona, por për arsye që u lindëm në një vend, në një kohë apo në një formë. Pra, në njëfarë kuptimi gjuha është një fat i pashmangshëm letrar. Ajo gjithashtu tregon si pëllëmba e dorës se në gjuhë vetëm deri në njëfarë shkalle mund të jemi vetvetja (dhe "të jesh vetvetja" do të thotë të jesh vërtet një postulat i kulturës sonë), ndërsa në një shkallë të madhe i nënshtrohem asaj, e cila është më e rëndësishme, më e fuqishme se ne dhe mbi të cilën nuk kemi ndikim.

Nuk ka asgjë të çuditshme që filozofët së fundi lanë pas dore Hyjninë, Qenien, Pse më Mirë Diçka se sa Asgjë dhe u morën me gjuhën.

Shkrimtarët shpesh bëjnë gabim duke e trajtuar gjuhën si domenin e tyre të lirisë, kur në oqeanin e madh të zanafillës, aminoacidet e para formulojnë mendimet tona individuale dhe mënyrat e shprehjes. Pra, duket

se akset e kristalizimit u vendosën dhe ne nuk kemi ndikim mbi to. Kuptohet që në gjuhë jemi të hedhur.

Unë u hodha në polonishtë. Linda dhe u rrita në tokat perëndimore të Polonisë që u bashkuan me pjesën tjetër të vendit pas luftës dhe u banuan me përzjerjen e madhe të pasluftës të kulturave dhe dialekteve polake. Në këtë furrë shkruarje, siç theksojnë gjuhëtarët, u krijua modeli i polonishtes dhe ka të ngjarë që ne në Silezinë e Poshtme flasim polonishten standarde. Nuk flas me shprehje e huazime të ndonjëdialekti dhe me asnjë theks. Nuk di aq mirë asnjë gjuhë tjetër, sa që të mund ta trajtoj atë si gjuhë të letërsisë që shkruaj. Jam, pra, njëgjuhëshe. Nuk do të mund të shkruaja në një gjuhë tjetër. Mund të komunikoj në dy gjuhë të tjera, por vetëm në një bisedë të thjeshtë dhe në njëfarë kuptimi kjo është e dhimbshme. Mund të vendosem në Sevres pranë Parisit, atje ku mbahen të gjitha shabllonet, si shembull i personit polonishtfolës në mënyrë të përsosur. Qëndroj në polonishtë si miza në qelibrar. Polonishtja bën pjesë në grupin e madh të gjuhëve sllave; rrjedhimisht, në familjen indoeuropiane. Në shkrim filloi të formohet mjaft vonë, përndryshe

në shekullin XII. Marrja e krishterimit nga Roma dhe jo nga Bizanti pati një rëndësi të madhe – i lejoj polonishtes të hyjë në sferën e kulturës latine dhe të marrë alfabetin latin (siç dihet, disa gjuhë sllave morën për bazë për alfabetin e tyre atë grek – për shembull rusishtja apo bullgarishtja). Vetëm më 1270 në Librin e Henrikovës, të hartuar, në fund të fundit, në Silezinë e Poshtme, u shkrua fraza e parë polonisht dhe kjo në një kontekst mjaft interesant. Teksti latin tregonte me pak fjalë për një farë Boguchwale i cili – për bashkëkohësit dukej si diçka e pazakontë, aq sa t'ia vlen të shkruhej – ndihmonte gruan në bluarjen e drithit. Pikërisht ai tha frazën e parë të famshme: "Day ut ia pobrusa a ti po ywai", që në polonishten e sotme do të thotë: "Më lejo ta bëj unë këtë dhe ti pusho."

Shtirja gjeografike e Polonisë, ndërmjet dy fqinjëve të fuqishëm në mes të Europës, në afërsi të kulturave të ndryshme, ka ndikuar që në polonishtë të depërtojnë shumë fjalë të huaja. Leksiku i polonishtes përmban deri 70 për qind fjalë të huazuara nga gjuhët e tjera, gjë që është e rrallë në sfondin e gjuhëve të tjera. Pra, është një gjuhë e përbërë, gjuhë e kompozuar me arnishte, furrë

EURO GLASS
SAINT-GOBAIN SEKURIT PILKINGTON
Enveri
Adr: Fushë Kosovë
Mob: 044 10 20 10 / 049 145 336
E-mail: euro.glass@live.com



QENDRA SPORTIVE 'BUJQËSIA'
TEL: 045/82 82 82

Drenica e zbret Ballkanin nga froni



Dy rezultate befasuese janë regjistruar të dielën në Superligë. Dy skuadrat synuese për titull, Ballkani dhe Gjilani, janë ndalur në barazim nga Drenica, përkatësisht Trepça '89. Kryesimin pas kësaj xhiroje e ka marrë Drita e Gjilanit, e cila e ka mposhtur të shtunën Flamurtarin

EPOKA E RE Veton ZYMBERI

PRISHTINË, 7 QERSHOR - Skuadra e Ballkanit ka gabuar në ndeshjen ndaj Drenicës pasi nuk ka arritur të marrë më shumë se një pikë (0-0). Ky barazim i ka kushtuar skuadrës së drejtuar nga trajneri Ismet Munishi, pasi ka rënë në pozitën e dytë në elitë. Loja ishte mjaft dinamike dhe vendësit tentuan të shënojnë të parët nëpërmjet Kushtrim Gashit, por gjuajtjen e tij e ndali portieri i kuqezinjve, Arion Ymeri. Në minutën e 14-t Alban Shillova dështoi përballë portierit Ruxhi. Më pas sulmuesi i talentuar Jetmir Topalli depërtoi për mrekulli dhe e shërbeu Maganin, i cili nuk arriti të shënojë. Pjesa e parë u mbyllë me këtë rezultat, kurse tre minuta pasi filloi pjesa e dytë Kuçi tentoi nga largësia, por nuk arriti të shënojë. Mysafirët arritën të shënojnë, por goli u anulua për shkak të pozitës jashtë loje. Dhjetë minuta para fundit, Kuçi pati rast të mirë shënimi, por topi u ndal nga shtylla. Pas kësaj xhiroje Ballkani bie në pozitën e dytë me 45 pikë, një pikë më pak

se Drita e Gjilanit. Ndërsa Drenica është në pozitën e shtatë me 31 pikë. Edhe ndeshja tjetër që u zhvillua në Gjilan në mes të Gjilanit dhe Trepçës '89 përfundoi me rezultat të barabartë 1-1. Në minutën e 40-të Fiton Hajdari e kaloi në epërsi skuadrën vendëse. Tetë minuta pasi filloi pjesa e dytë Arb Manaj e barazoi rezultatit 1-1 dhe me këtë rezultat përfundoi ndeshja. Gjilani është në pozitën e tretë me 42 pikë, derisa Trepça '89 renditet në pozitën e nëntë me 27 pikë. Ndërsa të shtunën fitore kanë regjistruar Drita dhe Feronikeli ndaj Flamurtarit dhe Vushtrrisë. Skuadra gjilanase, Drita, që është lidere e re në Superligë, e mposhti Flamurtarin me rezultat minimal 1-0, derisa golashënues ishte Astrit Fazliu që shënoi me gjuajtje me kokë pas harkimit të shkëlqyeshëm të Xhevdet Shabanit. Në ndeshjen tjetër, kampioni në fuqi i Kosovës, Feronikeli, arriti fitore të lehtë ndaj Vushtrrisë (3-1). Golat për skuadrën nga Drenasi i shënuan Harmon Gbowea, Mevlan Zeka dhe Lapidar Lladrovci, ndërsa për mysafirët golin e vetëm e shënoi Valmir Azemi.

IPKO SUPERLIGA

Ballkani - Drenica	0-0
Gjilani - Trepça '89 1-1	
Feronikeli - Vushtrria	3-1
Drita - Flamurtari	1-0
Llapi - Dukagjini	4-1

TABELA

1. Drita	23	46 pikë
2. Ballkani	23	45
3. Gjilan	23	42
4. Prishtina	22	41
5. Feronikeli	23	37
6. Llapi	23	37
7. Drenica	23	31
8. Flamurtari	23	28
9. Trepça '89	23	27
10. Ferizaj	22	25
11. Vushtrria	23	16
12. Dukagjini	23	10

Në xhiron e radhës takohen: Llapi - Drenica, Dukagjini - Feronikeli, Vushtrria - Prishtina, Ferizaj - Gjilani, Trepça '89 - Drita, Flamurtari - Ballkani.

SHKURT

Emini mposhti koronavirusin

Futbollisti Izair Emini u është rikthyer stërvitjeve me skuadrën e Dritës nga Gjilani. Anëtori i klubit gjilanas kishte dalë pozitiv me Covid-19, por me ritestimet e reja të bëra në shtetin e Maqedonisë Veriore, Emini në dy raste pasuese ka dalë negativ. Futbollisti tetovar në profilin e vet në "Facebook" ka shkruar se tashmë e ka mposhtur koronavirusin. "Izair Emini vs Covid-19, 3:0 (1). Shumë i lumtur për rikthimin në fushë përsëri", ka shkruar Emini.

Islami operohet me sukses: Tash fillon faza më e vështirë

Mbrojtësi i Feronikelit, Përparim Islami, është operuar me sukses. Lajmin e ka konfirmuar Islami nëpërmjet një postimit në profilin e vet në "Facebook". "Sapo mbarova operacionin dhe çdo gjë ka shkuar mirë. Faleminderit Zotit! Tani fillon pjesa më e vështirë e rikuperimit ku duhet shumë punë. Sigurisht mua nuk më mungon puna, vullneti për të punuar sepse çdo gjë që kam arritur deri sot e kam arritur me punë, djersë dhe sakrificë. Faleminderit të gjithëve për mbështetjen dhe interesimin që keni treguar për mua", ka shkruar Islami. Ndërsa skuadra e Feronikelit fitoren e arritur në ndeshjen ndaj Vushtrrisë (3-1) ia ka dedikuar pikërisht Islamit.

Finalja e Ligës së Kampionëve zhvendoset nga Stambolli në Lisbonë

UEFA po planifikon që finalen e Ligës së Kampionëve ta zhvendosë nga Stambolli në Lisbonë për shkak të situatës së koronavirusit. Ky vendim është marrë nga UEFA, kurse do të bëhet zyrtar në mbledhjen e Komitetit Ekzekutiv më 17 qershor. Katër ndeshjet e pazhvilluara të fazës së 1/8-ave planifikohet të zhvillohen në muajin gusht, kurse të gjitha ndeshjet nga çerekfinalët parashikohet të zhvillohen në Lisbonë.

Koeman: Është një ëndërr për mua që të bëhem trajner i Barçës

AMSTERDAM, 7 QERSHOR - Ronald Koeman e pranoi në programin "Tot Gira" në "Radio Catalunya" se ai ende shpreson të drejtojë në të ardhmen Barcelonën. "Të gjithë e dinë që është një ëndërr për mua që të stërvit

Barçën një ditë", ka thënë Koeman, i cili në fillim të vitit kishte një mundësi, por e kuptoi se nuk kishte ardhur koha, pasi po drejtonte Holandën. "Shpresoj të kem një shans tjetër në të ardhmen dhe jam akoma i

sigurt që do të varet nga karriera ime sepse duhet të kesh shumë përvojë për të stërvitur një ekip si Barça. Pata një telefonatë, por e kam shpërguar disa herë, duhej ta mbaja fjalën time me ekipin kombëtar. Në atë kohë po

mendoja për Evropianin që do të zhvillohej në verë, po koronavirusi ndryshoi gjithçka. Sot gjëja më e rëndësishme është kombëtarja, atë që do të ndodhë në të ardhmen askush nuk e di", ka deklaruar trajneri holandez.



Boksierët e Kosovës përgatiten në Brezovicë

Prishtinë, 7 qershor (ER) - Boksierët e Përfaqësueses së Kosovës kanë filluar përgatitjet në Brezovicë. FBOXK-ja ka paraparë fillimin e përgatitjeve (bazike malore) me boksierët cilësorë në të dyja kategoritë të ndarë në tri grupe. Boksierët seniorë në kategorinë A, kurse në kategorinë B bëjnë pjesë boksierët juniorë dhe të rinj (17-18-vjeçar), derisa në kategorinë e tretë C janë boksierët seniorë, juniorë dhe të rejt (17-18-vjeçarë). Përgatitjet do të fillojnë me grupin e parë (senior) nga sot 07-21 qershor dhe pastaj me grupet e tjera. Këto përgatitje pesëdhjetë për qind mbështeten nga Komiteti Olimpik i Kosovës. "Përgatitjet bazike do të zhvillohen në lartësi mbidetare 1200-1700 metra, ushtrime forcë, kondicion dhe qëndrueshmëri.



Tri herë në ditë, gjithnjë duke respektuar këshillat e dala nga OBSH, MSH dhe IKShP. Në stërvitje do të marrin pjesë maksimalisht 8-10 boksierë-e, gjithnjë duke e ruajtur distancën fizike 1.5 -2 m", thuhet në njoftimin FBOXK-ja.

Në përgatitje udhëtuan: Bashkim Bajoku, Leotrim Rexhepi, Besfort Merlaku, Artan Shaqiri, Shpëtim Bajoku, Çlirim Zekaj, Patriot Behrami, Dionis Gashi, Besart Pireva. Trajner: Shefki Bogujevci dhe Kreshnik Shala.

54 futbollistë mbesin pa kontratë pas qershorit në Serinë A

ROMË, 7 QERSHOR - Futbolli italian po vijon përgatitjet për rikthimin që në fundjavën e ardhshme, por problematikat nuk mungojnë. 54 futbollistë të skuadrave të ndryshme të Serisë A do të jenë të lirë në fund të 30 qershorit, pasi u përfundon kontrata ose marrëveshja e huazimit dhe do të duhet t'u bashkohen klubeve që kanë pronësinë. Kështu duke nisur nga Juventusit, Giorgio Chiellini dhe Gigi Buffon janë dy futbollistët që prej 1 korrikut nuk do të kenë më detyrime ndaj klubit dhe bardhezinjtë kanë nisur punën për ta rinovuar bashkëpunimin me ta. Duke qenë se bëhet fjalë për dy futbollistë legjendarë të klubit, nuk pritet të ketë vështirësi për ta gjetur gjuhën e përbashkët, por më shqetësuese mbetet situata në klube të tjera, që kanë një numër të lartë futbollistësh të huazuar. Një situatë e komplikuar paraqitet të Verona, që ka shumë futbollistë në huazim, përfshirë këtu edhe



emra si Amrabat dhe Rrahmani, të cilët i ka shitur në janar, por i ka mbajtur në huazim deri më 30 qershor. Te Milani nuk kanë ende një marrëveshje për ta zgjatur bashkëpunimin me yllin e skuadrës, Zlatan Ibrahimović, ndërsa edhe mesfushori Bonaventura do të jetë i lirë prej 1 korrikut, duke zvogëluar

mundësinë e zgjedhjeve për trajnerin Pioli. Nuk ka mbetur pa u prekur prej kësaj situatë edhe Interi, që do të duhet të zgjasë të paktën përkohësisht huazimin e Alexis Sanchez, ndërsa edhe Borja Valero e Sensi nuk do të kenë detyrime kontratale pas datës 30 qershor.

SHKURT

Roma në garë për Hysajn

Roma po vazhdon t'i përcjellë dy lojtarët e Napolit, Elseid Hysaj e David Ospina, që pritet të lëvizin në këtë verë. Sipas "Calciomercato.com", Roma synon të transferojë dyshen e Napolit. Roma llogarit në përvojën e portierit Ospina, kurse Hysajn e vlerëson për paraqitjen në krah. Ka kohë që reprezentuesi i Shqipërisë, Hysaj, përmendet lidhur me largimin nga Napoli. 26-vjeçari ka kontratë me Napolin deri në vitin 2021. Ai ka humbur peshën që kishte te skuadra e Napolit më parë.

UEFA: Liga 1 mund të rifillojë para 2 gushtit, me sistemin 'play-off'-it

Shtëpia më e madhe e futbollit në Evropë, UEFA, i ka dhënë një mundësi interesante kampionatit francez. Liga 1 vendosi ta anulonte sezonin qysh në muajin prill, por që atëherë ligat e tjera kanë vendosur të rifillojnë. UEFA ka paralajmëruar se Liga 1 mund të rifillojë me "play-off", para 2 gushtit, përkundër faktit se kampionati është anuluar. Ky vendim vjen si pasojë e asaj se UEFA mendon që Liga 1 ka vendosur shumë herët për anulimin e sezonit. Kujtojmë se PSG-ja është skuadra që është shpallur kampione e Francës. Reagimet ishin të shumta, kurse Lyoni akoma vazhdon ta kërkojë rifillimin e sezonit.

Alvesi: Barça si Muhammad Ali

Në finalen e vitit 2015 në Ligën e Kampionëve, Barcelona e mposhti skuadrën e Juventusit (3-1). Sipas Dani Alves, brazilianit që atë kohë aktivizohej në krahun e djathtë të mbrojtjes, Barça ishte si Muhammad Ali në atë ndeshje. "Ne luanim kundër një skuadre të fortë fizikisht dhe e dinim se duhet fituar duke mbajtur topin. Nuk kishte rëndësi sa të fortë ishin kundërshtarët, nëse i bënim të na ndjekin pas, derisa u lodhën", ka thënë Alves. "Në momentin kur ata dorëzohen, është momenti kur ti sulmon. Ne ishim si Muhammad Ali: Shkonim si flutura dhe thumbonim si bletët", ka shtuar braziliani.

Silva, afër Evertonit

Mbrojtësi Thiago Silva është përfolur gjatë për një rikthim të mundshëm në skuadrën e Milanit, por një gjë e tillë duket se nuk do të ndodhë. Braziliani në afatin kalimtar të verës pritet të largohet nga skuadra e PSG-së, kurse favorit për t'i siguruar shërbimet e tij është Evertoni. Sipas mediave britanike, në këtë transferim po ndikon trajneri Carlo Ancelotti, i cili edhe në të kaluarën ka punuar me mbrojtësin brazilian. Silva aktualisht është 35-vjeçar, por ende ndihet i gatshëm të luajë në nivelet më të larta në futbollin evropian.

McGregor pensionohet për herë të tretë

Conor McGregor ka befasuar të gjithë adhuruesit e tij dhe ata të UFC-së, teksa ka lajmëruar se i ka dhënë fund karrierës së tij në MMA. Kjo nuk është hera e parë që irlandezi bën një lajmërim të tillë, pasi një gjë të tillë e kishte bërë edhe në muajin prill të vitit 2016 dhe në marsin e vitit 2019, por që më vonë u rikthye përsëri. Ish-kampioni i botës ka postuar një foto në rrjetin social "Twitter" së bashku me nënën e tij, teksa ka njoftuar fansat se ka vendosur të tërhiqet. "Përsëritje njerëz! Kam vendosur të tërhiqem nga luftimet. Faleminderit të gjithëve për një rrugëtim të jashtëzakonshëm! Ka qenë një rrugëtim fantastik. Këtu po postoj një foto timen së bashku me mamanë në Las Vegas pas triumfit të një prej titujve botërorë. Zgjidhe shtëpinë e ëndrrave Mags, të dua. Çka do që të dëshiron zemra, është e jotja", ka shkruar McGregor.



ANNOUNCING THE 2017 QUALITY & SALES AWARDS

Quality & Sales Award Recipients

[Listed in alphabetical order]

- ★ ARC Refreshments Corporation- Antipolo **Philippines**, Quality
- ★ Embotelladora Central S.A **Paraguay**, Quality
- ★ Fabrica de Bebidas Gaseosas Salvavidas S.A. **Guatemala**, Quality
- ★ Fluidi Sh.p.k. **Kosovo**, Quality
- ★ Indústria e Comércio de Bebidas Funada Ltda **Brazil**, Quality
- ★ Interbrand S.A.L. **Lebanon**, Sales
- ★ Kofola ČeskoSlovensko a.s. **Czech Republic**, Quality
- ★ Obi Zulol CJSC **Tajikistan**, Quality
- ★ Partex Sales sales Beverages Ltd. **Bangladesh**, Quality
- ★ Soft Drinks Georgia **Georgia**, Sales

